



# Ақмешіт

15 ақпан  
сейсенбі  
№13 (1818)  
2022 жыл

## апталығы

Газет  
1994 жылдың 15 сәуірінен  
бастап шығады

Қалалық қоғамдық-саяси әлеуметтік-  
ақпараттық тарихи-танымдық газет •  
E-mail: akmeshit.kz@mail.ru



## АЛТЫН

### BEIJING 2022 ТҮГІЛ, ҚОЛА АРМАН



Еліміз медаль алады-ау деп күткен жарыс фристайл-могул болатын. Осыған дейін талай долада топ жарып, жүлдемен оралған Юлия Гальшева бәрі сенім білдірді. Мұны шетелдік сарапшылар да айтқан болатын. Жарыс бастала салысымен Қазақстан қоржынына жүлде салады деген осынау спорт түріне ел назары ауда. Біржағы

Олимпиада ойындарында қола жүлдені иеленген Гальшеваның осы жолы алтынды ұсынаын шығармайтынына ел сенді. Бірақ артқан сенім, күткен үміт ақталмады. Финалға шыққан Юлия суперфиналға берілер жолдама сарапқа салынған кезде сәтсіз өнер көрсетті. Екінші кезеге өткен могулшылар Аюлы Әміренова мен Олеся Граур алғашқы іріктеудегі нәтижесін жақсартта алмады. Анастасия Городко да ұзаққа шаппады. Бұл долада Юлия Гальшева – 11-орын, Анастасия Городко – 11-орын, Аюлы Әміренова – 12-орын, Олеся Граур – 18-орынға табан тіреді. Қазақстан осылайша фристайл-могулден жүлдесіз қалды.

Қыстың басты бәсекесінде алтын медалді австралиялық Джакара Энтони қанжығасына байласа, күмісті америкалық Джелли Кауф иеленді. Ал ресейлік Анастасия Смирноваға қола бұйырды.

Хош. Бұдан кейін еңсе тіктеп, абыроймен қайтармыз деген спорт түрі – Трамплин еді. Алайда бұнда да сүріндік. Спортшыларымыздың бабы келмеді ме әлде ауа райы қолайсыздау болды ма, әйтеуір жарыс жолына шыққан атлеттеріміз жеңіс тұғырынан көріне алмады. Бірінші кезеңде жақсы нәтиже көрсеткен Данил Васильев пен Сергей Ткаченко жарысты сәтсіз аяқтады. Орташа трамплинде Данил Васильев 46-орын, Сергей Ткаченко 41-орын иеленді. Енді бұл екеуі үлкен трамплиннен секіреді. Бәлкім сонда бағы жанағын шығар.

Бұдан соң шаңғы жарысы бойынша жүлделер сарапқа салынып, мықтылар анықталды. Бірақ мұнда да біздің жолымыз болмады. Өкініштісі сол, скитлонның бастапқы сәтінен-ақ біздің спортшылар елдің соңында қалды. Үміт артқан Ксения Шалыгина 48-орынға, Ангелина Шурыга 49-орынға, Валерия Тиленева 51-орынға, Надежда Степашкина 58-орынға табан тіреді.

Ерлер арасында да шаңғы жарысынан жолымыз болмай қойды. Тағы да сол сәтсіздік. Қазақстаннан «Жүзден жүйрік» деп жіберген жігіттер әлемнің әр түкпірінен келген мықтыларға қауқар таныта алмады. Мұнда Виталий Пухало 32-орынға, Евгений Величко 57-орынға тұрақтады. Бұндағы чемпиондықты Ресей намысын қорғаған Александр Большунов бағындырды. Күмісті тағы бір ресейлік Денис Спицов жеңіп алды. Ал үздік үштікті финляндиялық Йиво Нисконен түйіндеп, қоладан медаль тақты.

Біздікілер конькимен жүгіру спортында да ел күткен нәтижеге қол жеткізе алмады. Надежда Морозова үш мың метрге арналған долада 13-орын алды. Енді ол мың метрге арналған долада бақ сынады.

Үздіктер қатарында болады деген могулшы Дмитрий Рейхерд финалға дейін жеткенімен, суперфиналға шыға алмай қалды. Жарысты сегізінші орынмен аяқтады. Павел Колмаков болса екінші іріктеуден әріге бармады. Ал шорттректен Әділ Галиахметов өзінің тобында III орын алып, алғашқы жарысында жеңіліс тапты. Аралас эстафетадағы құрамамыз жартылай финалға жеткенімен, А финалына жолдама ала алмады. Жалпы жарысты отандастарымыз бесінші орынмен аяқтады. Биатлонда да айымыз оныңан тұмады. Жынырма шақырымдық жекелей жарыста Қазақстан атынан шыққан спортшымыз Владислав Киреев мәреге 25-ші болып келді. Ал Александр Мухин мәре сызығын 51-ші болып кесті. Мұнда алтын медалді Франциялық Кантен Фийон Майе иеленді. Күмісті белорустік Антон Смольский жеңді. Қола медалді норвегиялық Йоханнес Бё алды.

P.S. Хош. Бар-жоғы екі аптаға созылатын байрақты бәсекенің алғашқы жартысындағы нәтижелер осындай. Алтын үшін талас күн санап қыза түсуде. Алайда әзірге отандастарымыздың қысқы олимпиададағы нәтижелері көңіл көншітпей тұр. Дегенмен тақымын қысып, спортшыларымыздың тілеуін тілеген елдің бұл бәсекеден күдері үзілген жоқ. Тек алтын түгіл қола да арман болып қалмаса игі...

А.БАЙ

### ҚАЛА ТЫНЫСЫ



Сырдария өзенінің бүгінгі жай-күйі көңіл құлазытады. Жасыратын несі бар, су тапшылығы аймақтағы ауыл шаруашылығына да кері әсерін тигізуде. Сондай-ақ жауын-шашынның да аз түсуі Сыр өңіріне оңайға соқпай тұр. Әсіресе жаз басталса, аяқ суға жарымайды.

## ЖЕРАСТЫ СУЫ ЖАН ДАНБАҚ

Осы тұста Қызылорда қаласының әкімі Ганибек Қазантөв облыс орталығын аяқ сумен қамту үшін жерасты суын пайдалану керегін айтты. Нәтижесінде ұңғыма қазу жоспарлануда.

Өткен жылы қолға алынған бұл бастама сәтті жүзеге асты. Осылайша бүгінде сол жағалау аумағынан 2 жер асты су ұңғымасы қазылды. Алдағы уақытта бұл ұңғымалар арқылы көпқабатты үй аулаларындағы жасыл-желекке аяқ су келмек. Қазіргі кезде мердігер мекеме міндеттелген жұмысын аяқтау сатысында.

Жан-жақты зерттеу нәтижесі бойынша қалаға дәл осындай 26 ұңғыма керек. Осыған орай қала басшысы шұғыл шешім қабылдады. Қала әкімі жауапты бөлімге қосымша ұңғымаларды қазу үшін, тиісті құжаттарды әзірлеу жұмысын жеделдетуді тапсырды. Алдағы уақытта жаңа ұңғымалар аяқ суды аса қажет ететін аумақтарға орнатылмақ. Осы тұста қаланы аяқ сумен қамту күн тәртібінен түспейтін өзекті мәселе екенін айта кеткен жөн.

А.МЫРЗАҒАЛИ

## КӘСІП АШСАҢ АУЫЛДА АШ, ЖҰМЫССЫЗ АДАМ АЗАЯР



Қаламыздағы кәсіпкерлер саны жыл санап артуда. Бәсекелестікке құрылған нарық заманында үлкенді-кішілі жергілікті кәсіпкерлердің ынтығасына қуандық.

Қалаға қарасты ауылдардағы кәсіпкерлік жайын пресс-тур барысында көзбен көрдік.

2 БЕТТЕ



## ЖЫЛ БОЙЫ НЕ ІСТЕДІҢ, ӘКІМ?

2 БЕТТЕ

## COVID-19: ӨНІРДЕ ЭПИДЕМИОЛОГИЯЛЫҚ АХУАЛ ТҰРАҚТЫ

Елімізде 14 ақпандағы мәлімет бойынша 1311 адам коронавирус жұқтырып, 4892 адам коронавирустан жазылған. Ал Қызылордада 12 жағдай тіркелді. Атап айтсақ, 7-і симптомды, 5-і симптомсыз жағдай. Бүгінде науқастар үй жағдайында бақылауда. Сондай-ақ 36 адам осы індеттен айықты.

Облыстық денсаулық сақтау басқармасының мәліметінше, өңірде санитарлық эпидемиологиялық ахуал тұрақты. Бүгінде Сыр өңірі «жасыл» аймақта. Жалпы 2020 жылдан бері облыста тіркелген науқастар саны 24048-ге жетті. Айта кету керек, қазір облыс бойынша инфекциялық стационарда 82 емделуші, ал реанимациялық төсек-орында 14 науқас ем қабылдауда.

Қазіргі кезде Қызылордада екіге қабилдауға қабілетті халықтың 93,5 проценті вакцина салдырды. Мәселен, I компонентпен 423 316 адам, II компонентпен 412 410 адам қамтылған.

Сонымен қатар 15 қараша мен 11 ақпан аралығында «Pfizer» вакцинасын алғандар саны 45540-қа жетті. Оның басым көпшілігін жасөспірімдер құрайды.

Ревакцинациялау үшін екіге қоры жеткілікті. Бүгінде «QazVac», «SinoVac», «Pfizer», «Спутник Лайт» препараттары қолданылуда.

Облыстық санитариялық-эпидемиологиялық бақылау департаментінің мәліметінше, 2021 жылдың қарашасынан басталған ревакцинациядан барлығы 94495 адам өтті.

Қазіргі кезде ревакциналау бойынша медицина қызметкерлері, мұғалімдер мен күштік құрылымдар қызметкерлері көш бастап тұр. Айта кету керек, 60 жастан асқан азаматтардың үлесі жоғары. Студенттер мен созылмалы аурулары бар адамдар арасында да ревакциналау көрсеткіші арта түскен.

Ақмарал ҚАДЫРХАНҚЫЗЫ





